

Uppgjör Nýherja hf. á fyrri árshelmingi 2012



Fréttatilkynning frá Nýherja
Reykjavík, 27. júlí 2012

Helstu niðurstöður:

- EBITDA 210 mkr á fyrri árshelmingi, en heildartap 15 mkr.
- Góð sala og afkoma af rekstri Nýherja móðurfélags og TM Software ehf., tap af rekstri erlendis.
- Ný 2.500 fermetra þjónustu- og vörumiðstöð tekin í rekstur.
- Tempo tímaskráningarkerfi frá TM Software í notkun hjá mörgum af stærstu fyrirtækjum heims.

Þórður Sverrisson, forstjóri:

„Rekstur Nýherja móðurfélags og TM Software ehf. gekk vel og var hagnaður umfram áætlanir. Tap var hins vegar af rekstri Applicon félaganna á Íslandi og í Danmörku. Afkoma félagsins veldur vonbrigðum, því áætlanir gera ráð fyrir um 258 mkr EBITDA hagnaði á fyrri árshelmingi.

Nokkur óvissa er um rekstur erlendra dótturfélaga, en gert er ráð fyrir að áfram verði góður gangur í innlendum rekstri.“

Rekstarniðurstaða á fyrri árshelmingi 2012

Fyrstu 6 mánuðir 2012 – Lykiltölur Fjárhæðir í þús. króna		
	6 mánuðir 2012	6 mánuðir 2011
Seldar vörur og þjónusta	7.491.893	7.669.774
Vörunotkun og kostnaðarverð seldrar þjónustu	(6.019.325)	(6.078.550)
Framlegð	1.472.568	1.591.224
Aðrar tekjur	0	9.146
Rekstrarkostnaður	1.380.049	(1.434.416)
Rekstrarhagnaður - EBIT	92.519	165.954
Hrein fjármagnsgjöld	(105.871)	(116.644)
(Tap) hagnaður fyrir tekjuskatt	(13.352)	49.310
Tekjuskattur	5.699	(10.877)
(Tap) hagnaður tímabilsins	(7.653)	38.433
Rekstrarliðir færðir beint á eigið fé	(7.234)	39.559
(Heildartap) -hagnaður tímabilsins	(14.887)	77.992
EBITDA	209.680	299.696
EBITDA hlutfall	2,8%	3,9%
Meðalfjöldi stöðugilda	521	529

- Heildarvelta nam 7.492 mkr fyrstu 6 mánuði ársins 2012 og dróst saman um 178 mkr frá fyrra ári, eða um 2,3%.
- Meðalfjöldi stöðugilda fyrstu 6 mánuði ársins var 521 en var 529 á sama tíma í fyrra.
- Hagnaður fyrir afskriftir, fjármagnsliði og skatta - EBITDA - var 210 mkr á tímabilinu en var 300 mkr fyrstu sex mánuði árið 2011.

Uppgjör Nýherja hf. á fyrri árshelmingi 2012

Efnahagsreikningur 30.06.2012 – Lykiltölur Fjárhæðir í þús. króna

	30.06.2012	31.12.2011
Fastafjármunir	4.311.615	4.279.964
Veltufjármunir	3.187.288	4.137.972
Eignir samtals	7.498.903	8.417.936
Eigið fé	2.166.794	2.186.633
Langtímaskuldir	2.106.622	2.224.852
Skammtímaskuldir	3.225.487	4.006.451
Eigið fé og skuldir samtals	7.498.903	8.417.936

- Langtímaskuldir hafa lækkað um 118 mkr frá árslokum 2011.
- Vaxtaberandi skuldir hafa lækkað um 236 mkr frá árslokum 2011.
- Eiginfjárhlutfall hefur hækkað úr 26,0% í 28,9% frá áramótum, þar sem efnahagsreikningurinn hefur minnkað.

Rekstrarniðurstaða á öðrum ársfjórðungi 2012

Ársfjórðungsyfirlit – Lykiltölur Fjárhæðir í þús. króna

	F2 2012	F1 2012	F4 2011	F3 2011	F2 2011
Seldar vörur og þjónusta	3.674.348	3.817.545	4.304.520	3.505.552	3.977.088
Vörunotkun og kostnaðar- verð seldrar þjónustu	(2.968.134)	(3.051.191)	(3.455.284)	(2.844.275)	(3.206.654)
Framlegð	706.214	766.354	849.236	661.277	770.434
Aðrar tekjur	0	0	2.439	1.292	2.724
Rekstrarkostnaður	(681.889)	(698.160)	(757.187)	(658.500)	(704.165)
Virðisrýrnun viðskiptavildar	0	0	(124.281)	0	0
Rekstrarhagnaður (-tap) (EBIT)	24.325	68.194	(29.793)	4.069	68.993
Hrein fjármagnsgjöld	(39.111)	(66.760)	(58.114)	(48.943)	(68.545)
(Tap) hagnaður fyrir tekjuskatt	(14.786)	1.434	(87.907)	(44.874)	448
Tekjuskattur	6.665	(966)	(4.270)	9.480	1.069
(Tap) hagnaður tímabilsins	(8.121)	468	(92.177)	(35.394)	1.517
Rekstrarliðir færðir beint á eigið fé	(21.615)	14.381	1.971	(24.705)	12.828
(Heildartap) -hagnaður	(29.736)	14.849	(90.206)	(60.099)	14.345
EBITDA	86.600	123.080	155.811	76.641	140.109
EBITDA hlutfall	2,4%	3,2%	3,6%	2,2%	3,5%
Meðalfjöldi stöðugilda	522	520	538	536	528

- Sala á vöru og þjónustu nam 3.674 mkr á öðrum ársfjórðungi samanborið við 3.977 mkr á sama tímabili árið 2011 og dróst saman um 7,6%.
- Meðalfjöldi stöðugilda á öðrum ársfjórðungi 2012 var 522, en var 528 á öðrum ársfjórðungi ársins 2011.
- Rekstrarkostnaður var 682 mkr, sem er 22 mkr minni en fyrir sama tímabil í fyrra.
- Hagnaður fyrir afskriftir, fjármagnsliði og skatta - EBITDA - var 87 mkr í ársfjórðungnum en var 140 mkr á sama tímabili árið 2011.
- Heildartap í fjórðungnum nam 30 mkr, en heildarhagnaður í öðrum ársfjórðungi 2011 nam 14 mkr.

Vörusala og eftirspurn eftir tækniþjónustu yfir áætlun

Afkoma og tekjur Nýherja hf., móðurfélagsins, voru vel yfir áætlunum á öðrum ársfjórðungi. Tekjur af vörusölu voru yfir væntingum og afkoma af tækniþjónustu fer batnandi, meðal annars vegna góðrar eftirspurnar í alrekstrarþjónustu og hagræðingar í rekstri. Á tímabilinu bættust við fjölmargir nýir viðskiptavinir. Meðal annars má nefna að gerðir voru prentþjónustusamningar við fyrirtæki, stofnanir og skóla í Reykjavík og á Akureyri ásamt rekstrar- og hýsingarsamningi við Síldarvinnsluna á Neskaupsstað. Á fyrirtækjamarkaði var góð sala á Lenovo borð- og fartölvum, IBM miðlægum vél- og hugbúnaði; System x og System p netþjónum og einnig gagnageymslulausnum. Á einstaklingsmarkaði gekk sala á Canon ljósmyndabúnaði og Sony vörum mjög vel.

Nýherji hf. varð 20 ára þann 2. apríl. Af því tilefni hélt félagið veglega afmælisráðstefnu á Hilton Nordica undir yfirskriftinni „Nýir tímar - Nýjar lausnir.“ Á fjölsótttri ráðstefnu kynntu fyrirlesarar frá IBM, SAP, Gartner og Nýherja félögunum nýjustu stefnur og strauma í upplýsingatækni. Þar kynnti Nýherji, fyrst íslenskra fyrirtækja, meðal annars laaS tölvuskýpþjónustu (Infrastructure as a Service) en þar geta viðskiptavinir t.d. sett upp netþjóna í sjálfsafgreiðslu og aðeins greitt fyrir þann tíma sem þjónarnir eru í notkun. Engin fjárbinding er þá í búnaði hjá viðskiptavinum þar sem þjónustan er veitt í tölvuskýi Nýherja, sem annast allar uppfærslur, öryggi og viðhald.

Á öðrum ársfjórðungi var lokið við flutning á hluta af starfsemi Nýherja í nýja og glæsilega þjónustu- og vörumiðstöð að Köllunarklettsvegi 8. Þar eru sameinuð á einum stað vöruafgreiðsla, viðgerðarþjónusta og tækjaleiga í um 2.500 fermetra húsnæði og mun þar bæði nást aukin hagkvæmni og bætt þjónusta.

Rekstur TM Software yfir áætlun

TM Software, sem leggur áherslu á vef- og hugbúnaðarlausnir, skilaði mjög góðri afkomu á öðrum ársfjórðungi og er hún í takt við góða afkomu félagsins á fyrsta ársfjórðungi. Tekjur eru vel umfram áætlun og árangur betri en á sama tímabili í fyrra. Sala félagsins á eigin hugbúnaðarlausnum er góð. Einkum hefur náðst góður árangur í sölu á tveimur megin vörum fyrirtækisins; Tempo tímaskráningar- og áætlunargerðarlausn sem er byggð á JIRA hugbúnaði frá ástralska fyrirtækinu Atlassian og í öðru lagi Sögu kerfið, sem er rafrænt sjúkraskrárkerfi. Tempo hefur nú verið selt til um 2.000 viðskiptavina í 70 löndum, þ.á.m. til margra af stærstu fyrirtækjum heims, eins og t.d. Deutsche Bank, Intel og AT&T.

Áfram er reiknað með góðri sölu á hugbúnaðarlausnum fyrirtækisins á síðari árshelmingi. Sérhæfð hugbúnaðarþróun og ráðgjöf er einnig í góðum vexti og er reiknað með að áfram verði góð eftirspurn eftir þjónustu frá ráðgjöfum fyrirtækisins. Aukna eftirspurn má rekja til sérþekkingar fyrirtækisins á þróun hugbúnaðarlausna fyrir snjallsíma, samfélagsmiðla og tölvuský.

Afkoma Applicon félaga undir væntingum

Applicon félögin á Íslandi, Danmörku og í Svíþjóð sem sérhæfa sig í sölu og þjónustu á viðskiptahugbúnaði voru rekin með tapi af rekstri í ársfjórðungnum. Ástæðan er einkum tvíþætt, hörd verðsamkeppni á SAP markaði og hærri kostnaður en áætlaður var við uppsetningu kerfa og þróun nýrra lausna, sem unnið var að á Íslandi og í Svíþjóð.

Sala á hugbúnaði var ágæt hjá Applicon ehf. á Íslandi. Vinna ráðgjafa við þróun á nýjum lausnum fyrir Íslands- og Norðurlandamarkað var verulega umfram áætlanir og valda taprekstri félagsins. Þessi verkefni tengdust einkum gangsetningu nýrrar bankalausnar um miðjan júní hjá sænska bankanum Landshypotek, þar sem lokið var fyrri áfanga af tveimur.

Afkoma Applicon í Svíþjóð, sem leggur einkum áherslu á viðskiptalausnir fyrir banka og fjármálafyrirtæki, var undir áætlun á öðrum ársfjórðungi. Vegna umframkostnaðar við innleiðingu og þróun á nýjum lausnum, sem byggja á SAP viðskiptahugbúnaði, er tap á rekstri félagsins. Áfram má gera ráð fyrir nokkru tapi vegna verkefnis við innleiðingu bankalausna fyrir Landshypotek.

Tap var af rekstri Applicon A/S í Danmörku sem má einkum rekja til mikillar verðsamkeppni í ráðgjöf fyrir SAP viðskiptahugbúnað. Félagið hefur á öðrum ársfjórðungi dregið úr kostnaði og lagt áherslu á ný sölutækifæri og gera áætlanir ráð fyrir bættri afkomu síðar á árinu. Sérhæfð SAP hugbúnaðarlausn fyrir 12 sjúkrahús í Region Hovedstaden stjórnsýsluumdæminu var tekin í notkun á tímabilinu eins og stefnt var að.

Dansupport á áætlun

Rekstur upplýsingatæknifélagsins Dansupport A/S var á áætlun á öðrum ársfjórðungi. Í ljósi efnahagsóvissu er fjárfestingarverkefnum áfram slegið á frest hjá viðskiptavinum, sem margir horfa til hýsingar- og skýþjónustu og mun Dansupport fylgjast náið með þeirri þróun. Gert er ráð fyrir að síðari árshelmingur verði í takt við áætlanir.

Uppgjör Nýherja hf. á fyrri árshelmingi 2012

Horfur

Rekstur innanlands hefur styrkst og áfram eru góðar horfur fyrir síðari árshelming. Óvissa er enn nokkur um afkomu dótturfélaga á sviði viðskiptahugbúnaðar í Danmörku og Svíþjóð.

Fjárhagsdagatal fyrir 2012:

Áætluð birting árshlutauppgjörs fyrir árið 2012:

26. október. Níu mánaða uppgjör.

30. janúar 2013. Ársreikningur.

Samþykkt árshlutareiknings

Árshlutareikningur var samþykktur á stjórnarfundum Nýherja hf. 27. júlí 2012. Árshlutareikningur Nýherja hf. er í samræmi við alþjóðlega reikningsskilastaðla (IFRS-International Financial Reporting Standards). Árshlutareikningurinn er hvorki endurskoðaður né kannaður af endurskoðendum félagsins.

Nýherji hf.

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Stöðugildi hjá Nýherjasamstæðunni voru 531 í lok júní. Hlutabréf Nýherja hf. eru skráð í NASDAQ OMX Iceland hf. (Kauphöll Íslands).

Stjórn Nýherja: Benedikt Jóhannesson, stjórnarformaður, Árni Vilhjálmsson, Guðmundur Jóh. Jónsson, Hildur Dungal og Marta Kristín Lárusdóttir. Þórður Sverrisson er forstjóri Nýherja.

Nánari upplýsingar

Þórður Sverrisson, forstjóri Nýherja, í síma +354 893 3630.